

張氏醫通卷大

長洲石頑張 璐路玉父纂述

痿痺門

痺

經云。風寒濕三氣雜至。合而為痺。風氣勝者為行痺。寒氣勝者為痛痺。濕氣勝者為著痺。以冬遇此者為骨痺。以春遇此者為筋痺。以夏遇此者為脈痺。以至陰遇此者為肌痺。以秋遇此者為皮痺。行痺者。病處行而不定。走注歷節疼痛之類。當散風為主。禦寒利氣。仍不可廢。更須參以補血之劑。蓋治風先治血。血行風自滅也。○痛痺者。寒氣凝結。陽氣不行。故痛有定處。俗名痛風是也。治當散寒為主。疎風燥濕。仍不可缺。更須參以補火之劑。非大辛大溫。不能釋其凝寒之害也。○著痺者。肢體重著不移。疼痛麻木是也。蓋氣虛則麻。血虛則木。治當利濕為主。祛風解寒。亦不可缺。更須參以理脾補氣之劑。蓋土強自能勝濕。而氣旺自無頑麻也。○骨痺者。即寒痺痛痺也。其證痛苦攻心。四肢攣急。關節浮腫。○筋痺者。即風痺行痺也。其證遊行不定。與血氣相搏。聚於關節。筋脈弛縱。或赤或腫。○脈痺者。即熱痺也。藏府移熱。復遇外邪。客搏經絡。留而不行。其證肌肉熱極。皮膚如鼠走。脣口反裂。皮膚色變。○肌痺者。

張氏醫通卷大

長洲石頑張 璐路玉父纂述

痿痺門

痺

經云。風寒濕三氣雜至。合而為痺。風氣勝者為行痺。寒氣勝者為痛痺。濕氣勝者為著痺。以冬遇此者為骨痺。以春遇此者為筋痺。以夏遇此者為脈痺。以至陰遇此者為肌痺。以秋遇此者為皮痺。行痺者。病處行而不定。走注歷節疼痛之類。當散風為主。禦寒利氣。仍不可廢。更須參以補血之劑。蓋治風先治血。血行風自滅也。○痛痺者。寒氣凝結。陽氣不行。故痛有定處。俗名痛風是也。治當散寒為主。疎風燥濕。仍不可缺。更須參以補火之劑。非大辛大溫。不能釋其凝寒之害也。○著痺者。肢體重著不移。疼痛麻木是也。蓋氣虛則麻。血虛則木。治當利濕為主。祛風解寒。亦不可缺。更須參以理脾補氣之劑。蓋土強自能勝濕。而氣旺自無頑麻也。○骨痺者。即寒痺痛痺也。其證痛苦攻心。四肢攣急。關節浮腫。○筋痺者。即風痺行痺也。其證遊行不定。與血氣相搏。聚於關節。筋脈弛縱。或赤或腫。○脈痺者。即熱痺也。藏府移熱。復遇外邪。客搏經絡。留而不行。其證肌肉熱極。皮膚如鼠走。脣口反裂。皮膚色變。○肌痺者。

卽著痺濕痺也。留而不移。汗出四肢痿弱。皮膚麻木不仁。精神昏塞。○皮痺者。卽寒痺也。邪在皮膚。癢風瘡。搔之。不痛。初起皮中如蟲行狀。已上諸證。又以所遇之時而命名。非行痺痛。痺著痺外。又有皮脈筋肌骨之痺也。

故骨痺不已。復感於邪。內舍於腎。筋痺不已。復感於邪。內舍於肝。脈痺不已。復感於邪。內舍於心。肌痺不已。復感於邪。內舍於脾。皮痺不已。復感於邪。內舍於肺。所謂痺者。各以其時。重感於風寒濕之氣也。肺痺者。煩滿喘而嘔。心痺者。脈不通。煩則心下鼓。暴上氣而喘。噎乾噦。厥氣上則恐。肝痺者。夜臥則驚。多飲數小便。上爲引如懷。腎痺者。善脹。尻以代踵。脊以代頭。脾痺者。四肢懈惰。發欬嘔汁。上爲大塞。肺痺則肺氣不清。胃熱上逆。故煩喘而嘔。心痺則脈道不通。心火內衰。濕氣凌心。故恐。肝痺則血液阻滯。水飲客之。故上爲引急。如有所懷也。腎痺則胃之關門不利。故善脹。濁陰濕邪傷其陽氣。所以腳攣不能伸。身俱不能直也。脾痺則陽氣不運。故四肢懈惰。上焦痞塞也。

腸痺者。數飲而出不得。中氣喘爭。時發飧泄。腸者。兼大小腸而言。腸間病痺。則下焦之氣不化。故雖數飲。而小便不得出。則本末受病。故與中氣喘爭。蓋其清濁不分。故時發飧泄也。

胞痺者。少腹膀胱。按之內痛。若沃以湯。澹於小便。上爲清涕。胞者。膀胱之脬也。膀胱氣閉。則水道不行。

故按之內痛。若以熱湯沃之。小便得外熱之助。方得稍通。而猶滯澹不利。則治宜溫助氣化。可知膀胱之脈。從臍入絡腦。故上爲清涕。以太陽經氣不固。而精氣上脫。又須溫補無疑。蓋緣精泄之後。寒氣乘虛入於膀胱之內。而致小便淋瀝不通。莖中痛引穀道。甚則臍腹脹痛。此屬津液枯竭之故。誤與利水藥。必致喘逆脹急而死。老人陰虛泉竭。多有此證。曾見膀胱脹破。淋瀝無度。時雖暫寬。不久即斃。諸痹不已。亦溢內也。其風氣勝者。其人易已也。其入藏者死。其留連筋骨間者。疼久。其留皮膚間者。易已。凡痹之類。逢寒則急。逢熱則縱。

寒從中生者。是人多痹氣也。陽氣少。陰氣多。故身寒如從水中出。

人有身寒。湯火不能熱。厚衣不能溫。然不能凍慄。是人素腎氣勝。以水爲事。太陽氣衰。腎脂枯不長。一水不能勝兩火。腎者水也。而生於骨。腎不生。則髓不能滿。故寒甚至骨也。所以不能凍慄者。肝一陽也。心二陽也。腎孤藏也。一水不能勝二火。故不能凍慄。病名骨痹。是人當斂節也。素腎氣勝。言稟氣本充也。以水爲事。言嗜慾無節。傷其真陽。無陽則陰無以生。故腎脂枯不長。無陰則陽無以化。故寒甚至骨也。病在陽者。命曰風。病在陰者。命曰痹。陰陽俱病。命曰風痹。陽受風氣。故在陽者。命曰風。陰受濕氣。故入陰。則命曰痹。

風痺淫灤。病不可已者。足如履冰。時如入湯中。股脛淫灤。煩心頭痛。時嘔時惋。同眩已汗出。久則目眩。悲以喜恐。短氣不樂。不出三年死也。

寒痺之爲病也。留而不去。時痛而皮膚不仁。刺布衣者。以火焮之。刺大人者。以藥熨之。以醋酒二十觔。蜀椒一升。乾薑一觔。桂心一觔。凡四種。皆咬咀。漬酒中。用綿絮一觔。細布四丈。并內酒中。置酒馬矢壚中。蓋封塗。勿使泄。五日五夜。出布絮。曝乾之。乾復漬。以盡其汁。每漬必晬其日。乃出乾。乾并用漬。與綿絮復布爲複巾。長六七尺。爲六七巾。則用之。生桑炭炙巾。以熨寒痺所刺之處。令熱入。至於病所。寒復炙巾。以熨之。三十遍而止。汗出以巾拭身。亦三十遍止。起步內中。無見風。每刺必熨。如此病已矣。此所謂內熱也。內。納同。謂溫其經。使熱氣內入。血脈流通也。布衣。血氣澀濁。故當以火焮之。卽近世鍼桃艾熨之類。周痺者。在於血脈之中。隨脈以上。隨脈以下。不能左右。各當其所。○風寒濕氣客於分肉之間。迫切而爲沫。沫得寒則聚。聚則排分肉而分裂也。分裂則痛。痛則神歸之。神歸之則熱。熱則痛解。痛解則厥。厥則他痺發。發則如是。此內不在藏。而外未發於皮。獨居分肉之間。真氣不能周。故命曰周痺。金匱云。問曰。血痺病從何得之。師曰。夫尊榮人。骨弱肌膚盛。重因疲勞。汗出。臥不時動搖。加被微風。遂得之。但以脈自微澀。在寸口。關上小緊。宜鍼引陽氣。令脈和。緊去則愈。

血痹陰陽俱微。寸口關上微。尺中小緊。外證身體不仁。如風痹狀。黃耆桂枝五物湯主之。血痹者。寒濕之邪。痹著於血分也。辛苦勞動之人。皮腠緻密。筋骨堅強。雖有風寒濕邪。莫之能客。惟尊榮素養之人。肌肉豐滿。筋骨柔脆。素常不勝疲勞。行臥動搖。或遇微風。則能痹著爲患。不必風寒濕之氣雜至而爲病也。上條言脈自微澹。而關寸小緊。爲濕痹血分。所以陽氣不能外行。故宜鍼引陽氣。以和陰血。下條言陰陽俱微。而尺中小緊。爲榮衛俱虛。所以身體不仁。故宜藥通榮衛。行散其痹。則緊去人安而愈矣。○夫血痹者。卽內經所謂在脈則血凝不流。仲景直發其所以不流之故。言血既痹。脈自微澹。然或寸或關或尺。其脈見小急之處。卽風入之處也。故其鍼藥所施。皆引風外出之法也。

腎著之病。其人身體重。腰中冷。如坐水中。形如水狀。反不渴。小便自利。飲食如故。病屬下焦。身勞汗出。衣裏冷濕。久久得之。腰以下冷痛。腹重如帶五千錢。甘薑苓朮湯主之。此證乃濕邪中腎之外。廓與腎藏無預也。雖腰中冷。如坐水中。實非腎藏之真氣冷也。今邪著下焦。飲食如故。不渴。小便自利。且與腸胃之府無預。況腎藏乎。此不過身勞汗出。衣裏冷濕。久久得之。但用甘草乾薑茯苓白朮。甘溫淡滲行濕足矣。又何取煖腎壯陽哉。

諸肢節疼痛。身體羸羸。脚腫如脫。頭眩短氣。溫溫欲吐。桂枝芍藥知母湯主之。此卽總治三焦痹之法。

頭眩短氣。上焦痹也。溫溫欲吐。中焦痹也。脚腫如脫。下焦痹也。肢節疼痛。身體羸羸。筋骨痹也。由是觀之。當是風寒濕。痹其榮衛。筋骨三焦之病。然濕多則腫。寒多則痛。風多則動。用桂枝治風。麻黃治寒。白朮治濕。防風佐桂枝。附子佐麻黃。白朮其芍藥生薑甘草。亦如桂枝湯之和其榮衛也。知母治脚腫。引諸藥下行。附子以行藥勢。開痹之大劑也。

戴人云。痹病以濕熱爲源。風寒爲兼。三氣合而爲痹。其脈沉澹。奈何治此者。不問經絡。不分藏府。不分表裏。便作寒濕脚氣。烏之附之。乳之沒之。種種燥熱攻之。中脫灸之。臍下燒之。三里火之。蒸之熨之。湯之燒之。以致便溺澹滯。前後俱閉。虛躁轉甚。肌膚日削。飲食不下。雖遇扁華。亦難措手。若此者何哉。胸膈間有寒痰故也。痹病本不死。死於醫之誤也。

景岳全書云。觀痹論曰。風寒濕三氣雜至。合而爲痹。而壽天剛柔論又曰。在陽者命曰風。在陰者命曰濕。何也。蓋三氣之合。乃專言痹證之所因也。曰在陽爲風。在陰爲濕。又分言表裏之有殊也。如風之與濕。本皆由感邪所致。但外有表證之見。而見發熱頭疼等證。或得汗即解者。是皆有形之謂。此亦陽邪在陽分。是即傷寒中風之屬也。故病在陽者。命曰風。若既受寒邪。而初無發熱頭疼。又無變證。或有汗。或無汗。而筋骨之痛如故。及延綿久不能愈。而外無表證之見者。是皆無形之謂。此以陰邪直走陰分。即諸痹之屬。

也。故病在陰者。命曰痹。其或既有表證。而疼痛又不能愈。此卽半表半裏。陰陽俱病之證。故陰陽俱病者。亦曰風痹。此所以風病在陽。而痹病在陰也。然則諸痹者。皆在陰分。亦總由真陰衰弱。精血虧損。故三氣得以乘之。而爲此諸證。經曰。邪入於陰。則痹。正謂此也。是以治痹之法。最宜峻補真陰。使血氣流行。則寒邪隨去。若過用風濕痰滯等藥。而再傷陰氣。必反增其病矣。

行痹者。走注無定。風之用也。經言。病在陽者。命曰風。在陰者。命曰痹。陰陽俱病。命曰風痹。越婢加朮附湯。輕則羌防。歸朮葛桂赤茯。甘草威靈仙。蒼朮黃柏。若病久大虛。非大補氣血不可。如日從事乎散風清火。則脾肺必敗。終致不起。○痛痹者。痛有定處。乃濕氣傷腎。腎不生肝。肝風挾濕。流走四肢。肩髃疼痛。拘急浮腫。金匱烏頭湯加羌活官桂。服後啜熱稀粥。助其作汗。乃解。身體痛如欲折。肉如錐刺。刀割。千金附子湯。○著痹者。痹著不仁。經曰。榮氣虛則不仁。衛氣虛則不用。榮衛俱虛。則不仁。且不用。靈樞云。衛氣不行。則爲麻木。東垣治麻木。必補衛氣而行之。渾身麻木不仁。或左或右。半身麻木。或面或頭。或手臂或脚腿。麻木不仁。並宜神效黃耆湯。皮膚間麻木。此肺氣不行也。本方去蔓荊倍黃耆加防風。如肌肉麻。榮氣不行也。去蔓荊加桂枝羌防。手足麻。臂痛不能舉。多眠昏冒者。支飲也。氣口脈滑。指迷茯苓丸。脈浮者。二陳湯加桂枝枳桔。○若手麻乃是氣虛。十指麻乃是濕痰死血。手指麻木是氣不行。有頑痰死血也。導痰

湯加烏藥蒼朮。○風吹手足痠疼而腫。是寒濕。桂枝附子湯。○因於風者。百節走痛。烏藥順氣散加羌活。南星蒼朮。○因於濕者。天陰即發。身體沉重痠疼。除濕蠲痛湯。在上痛者。加桂枝桔梗。在下痛者。加防己木通。多汗加黃耆防風。自汗身重。防己黃耆湯。○寒濕不可屈伸者。烏頭湯。活絡丹選用。并外用摩風膏。○因火者。五苓散加酒芩黃柏竹瀝薑汁。○因濕熱者。肢節疼痛。肩背沉重。胸膈不利。下注足脛痛腫。當歸拈痛湯。○熱毒流入肢節疼痛。患處必熱。千金犀角散。○血瘀者。芎歸桃仁紅花威靈仙煎。或入麝少許。○血痹者。邪入於陰也。經云。人臥則血歸於肝。汗出而風吹之。血凝於膚者。爲痹是也。黃耆桂枝五物湯。晝輕夜重。加當歸。○痹而身寒如從水中出者。屬寒濕。附子丸。○血氣凝滯。手足拘攣。疼痛重。風寒濕三氣雜至者。改定三痹湯。○周痹者。真氣不能周於身。故周身痹痛。用蠲痹湯。行痹。上半身甚。用烏藥順氣散。下半身甚。用虎骨散。痛痹。用烏頭湯。著痹。用除濕蠲痛湯。不應。用補中益氣。加熟附子羌活蒼朮黃柏。○有痹遍身走痛無定。二陳湯加羌活風化硝。薑汁糊丸服。○痹在骨。安腎丸。○痹在筋。羚羊角散。○痹在脈。人參丸。○痹在肌肉。神效黃耆湯。○痹在皮。越婢湯加羌活細辛白蔹藜。○痹在腸。吳茱萸散。○痹在胞。腎瀝湯。虛寒。茯苓丸。虛寒甚者。巴戟丸。○熱痹。千金犀角散。○冷痹。巴戟天湯。○寒痹。宜以蜀椒乾薑桂心各四兩。醕酒五觔。絮四兩。布五尺。馬矢火煨一伏時。將絮布曝乾收盡。炙熱熨之。○著痹不移。脛

肉破身熱脈瀦者不治。

凡治痺證。不明其理。以風門諸通套藥施之者。醫之過也。夫痺證非不有風。然風入在陰分。與寒濕互結。擾亂其血脈。致身中之陽不通於陰。故致痺也。古方多有麻黃白芷者。以麻黃能通陽。氣白芷能行榮衛。然已入在四物四君子等藥之內。非顯發表明矣。至於攻裏之法。則從無有用之者。以攻裏之藥皆屬苦寒。用之則陽愈不通。其痺轉入諸府。而成死證多矣。可無明辯而深戒歟。

診○脈大而瀦爲痺。脈急亦爲痺。肺脈微爲肺痺。心脈微爲心痺。右寸沉而遲瀦爲皮痺。左寸結而不流。利爲血痺。右關脈舉按皆無力而瀦爲肉痺。左關弦緊而浮沉有力爲筋痺。

痛風 歷節

靈樞云。賊風邪氣之傷人也。令人病焉。今有不離屏蔽。不出室穴之中。卒然病者。不離賊風邪氣。其故何也。曰。此皆嘗有所傷於濕氣。藏於血脈之中。分肉之間。久留而不去。若有所墮墜。惡血在內而不去。卒然喜怒不節。飲食不適。寒溫不時。腠理閉而不通。其開而遇風寒。則血氣凝結。與故邪相襲。則爲寒痺。其有熱則汗出。汗出則受風。雖不遇賊風邪氣。必有因加而發焉。其毋所遇邪氣。又毋怵惕之所志。卒然而病者。其故何也。惟有因鬼神之事乎。曰。此亦有故邪留而未發。因而志有所惡。及有所慕。血氣內亂。兩氣相

搏其所從來者微。視之不見。聽而不聞。故似鬼神。

金匱云。寸口脈沉而弱。沉即主骨。弱即主筋。沉即爲腎。弱即爲肝。汗出入水中。如水傷心。歷節黃汗出。故曰歷節。

盛人脈濇小。短氣。血汗出。歷節疼。不可屈伸。此皆飲酒汗出當風所致。

病歷節。不可屈伸。疼痛。烏頭湯主之。并治脚氣疼痛。不可屈伸。烏頭湯治歷節。不可屈伸。疼痛。復治脚

氣疼痛。不可屈伸。二者之病。皆是風寒傷於筋。麻黃開汗孔。通腠理。散寒邪。解風痹。芍藥以理血。痹。甘

草通經脈。以和藥。黃耆益衛氣。氣壯則邪退。烏頭善走入肝逐風寒。故筋脈之急者。必以烏頭治之。然

以蜜煎。取緩其性。使之留連筋骨。以利其屈伸。且蜜之潤。又可益血養筋。兼制烏頭燥熱之毒。

丹溪云。痛風者。大率因血受熱。已自沸騰。其後或涉冷水。或立濕地。或扇取涼。或臥當風。寒外搏熱。血得

風寒。汗濁凝滯。所以作痛。夜則痛甚。行於陰也。治法以辛熱之劑。流散寒濕。開發腠理。其血得行。與氣相

和。其病自安。然有數種。治法稍異。痛風而痛有常處。其痛上赤腫灼熱。或渾身壯熱。此欲成風毒。宜敗毒

散。如肢節痛。須用羌活。去風濕亦宜用之。肥人肢節痛。多是風濕痰飲流注。宜導痰湯。瘦人肢節痛。是血

枯。宜四物加羌防。老人性急作勞。患兩腿痛。動則痛甚。或血痢用瀉藥。惡血流入經絡隧道。而變痛風。並

宜四物加桃仁陳皮牛膝生甘草煎入生薑研潛行散有瘀積者加酒熱服并刺委中出血然非二十貼不效○壯年人性躁兼嗜厚味患痛風鬱縮此挾痰與氣證導痰湯加牛膝枳殼通草桃仁煎入生薑研潛行散熱服亦須多服乃效○按濕熱痰火死血鬱於經絡四肢麻痺或痛或癢輕而新者可以緩治久而重者必加烏附驅逐痰濕壯氣行經大便阻滯必用大黃味者畏其峻攻多致狐疑不知邪毒流滿經絡非烏附豈能散結燥熱結滯腸胃非硝黃豈能潤燥要在合宜耳

歷節○景岳全書曰歷節風痛以其痛無定所卽行痹之屬也病源云歷節風痛是氣血本虛或因飲食腠理開汗出當風所致或因勞倦調護不謹以致三氣之邪徧歷關節與氣血相搏而疼痛非常或如虎之咬故又有白虎歷節之名中藏經曰歷節疼痛者因醉犯房而得之此其槩也大都痛痹之證多有晝輕而夜重者正陰邪之在陰分也其有遇風雨陰晦而甚者此正陰邪侮陽之證也或得暖遇熱而甚者此濕熱傷陰之火證也有火者宜從清涼有寒者宜從溫熱若筋脈拘滯伸縮不利者此血虛血燥證也非養血養氣不可遍身骨節疼痛肢節如槌晝靜夜劇如虎嚙之狀乃痛風之甚者也必飲酒當風汗出入水遂成斯疾寒則倉公當歸湯千金大棗湯防己湯選用熱則千金犀角湯當歸拈痛湯加薑汁炒黃柏掣者爲寒腫者爲濕汗者爲風三氣雜至傷於血脈之中榮衛滯滯不行故痛用虎骨犀角沉香青木

香當歸羌活。桂枝秦朮。牛膝骨碎補。桃仁甘草。水煎入麝少許。○歷節風毒攻注。骨節疼痛。發作不定。烏藥順氣散。不應五積散。四肢歷節疼。其人短氣脈沉爲留飲。導痰湯加減。○身體腫痛。一味木通。用二兩煎服。身必發出紅丹。汗出至足。頃時卽愈。外治之法。以蘄艾舂許。先以一半焙乾。攤痛處。外鋪燈心草一層。以指甲在痛傍。不時攢之。冷則更遞焙用。三次少歇。又頃如前再用。自四五度效。不可撫摩。撫摩卽七竅閉鬱也。○又法。好陳醋五大碗。煎沸。入葱白一觔。將葱裏痛處熨之。著卽麻木也。石頑曰。按痛風一證。靈樞謂之賊風。素問謂之痹。金匱名曰歷節。後世更名曰虎歷節。多由風寒濕氣乘虛襲於經絡。氣血凝滯所致。近世邪說盛行。而名之曰箭風。風毒腫潰。乃謂之曰箭袋。禁絕一切湯藥。恣行艾熨鍼挑。此雖靈樞刺布衣之法。而藥熨之方。世絕不聞。使既病之肌肉。復受無辜之痛楚。奈何憐愍無知。甘受其惑。良可慨夫。

麻木 與痹證參看

榮衛滯而不行則麻木。如坐久倚著。壓住一處。麻不能舉。理可見矣。麻則屬痰屬虛。木則全屬濕痰死血。一塊不知痛癢。若木然是也。○脈沉滑。體厚人屬痰與濕。二朮二陳。先少佐羌獨桂枝等風藥一二味。次兼參耆補氣。○脈微弱。或弦大無力。病久體羸者。屬氣虛。補中益氣加熟附子一片。夏月對生脈散。或清

燥湯。○一塊不知痛癢。陰寒益甚。或日輕夜重。脈滿而乳或弦。屬痰挾死血。宜活血行氣。二陳加芎歸桃仁泥。紅花牛膝韭汁之類。大便見黑而不作瀉者。小劑桃核承氣湯微利之。○十指麻木。屬胃中濕痰死血。二陳加二朮桃仁紅花。少加附子行經。○濕熱下流。兩脚麻木。或如火燎者。二妙加牛膝作丸。不應少加肉桂。東垣治閉眼則渾身麻木。開眼則漸退。久而方止。晝減夜甚。爲陽氣衰而濕伏陰分也。三痹湯去烏頭加蒼朮黃柏。又合眼則麻。開眼卽不麻。近火則頭旋眩暈者。風氣下陷於血分。不得升越而作也。三痹湯去烏頭加羌活麻黃。凡婦人素有鬱悵者。當舒鬱。逍遙散加補氣行濕藥。

薛立齋治劉孟春有痰。兩臂作麻。兩目流淚。服祛風化痰藥。痰愈甚。臂反痛不能伸。手指俱攣。薛曰。麻屬氣虛。因前藥而復傷肝。火盛而筋攣耳。況風自火出。當補脾肺滋水。則風自退。痰自清。遂用六味丸。補中益氣湯。三月而愈。石頑治洋客巴慈明婦。產後眩暈心悸。神魂離散。若失藏府之狀。開眼則遍體麻木。如在雲霧之中。必緊閉其目。似覺稍可。晝日煩躁。夜則安靜。專事女科者。用四物等血藥。則嘔逆不食。更一醫用薑附等熱藥。則躁擾不寧。其脈虛大而數。按之則散。舉之應指。此心火浮散之象。因艱產受驚。痰飲乘虛襲入心包絡中。留伏膈上。有入無出。所以綿延不已。蓋目開則諸竅皆開。痰火堵塞心竅。所以神識無主。目閉則諸竅俱閉。痰火潛伏不行。故得稍安。與東垣所言。合眼則陽氣不行之

麻木迴殊。況晝甚夜輕。明是上焦陽位之病。與理痰清火之劑。諸證漸寧。然或因驚恚。或因飲食不時舉發。此伏匿膈上之痰。無從搜滌也。乘發時。用獨參湯下紫雪。開通膈膜。仍與前藥調補。半載而康。

痿 痿厥

素問云。肺熱葉焦。則皮毛虛弱。急薄著。則生痿躄也。心氣熱。則下脈厥而上。上則下脈虛。虛則生脈痿。屈折挐。筋縱而不任地也。肝氣熱。則膽泄口苦。筋膜乾。筋膜乾。則筋急而變。發為筋痿。脾氣熱。則胃乾而渴。肌肉不仁。發為肉痿。腎氣熱。則腰脊不舉。骨枯而髓減。發為骨痿。戴人云。痿之為狀。兩足痿弱不能行。皆由腎水不能勝心火。心火上燦肺金。肺受火制。六葉皆焦。皮毛虛弱。急而薄者。則生痿躄。躄者。足不能伸。而行步趺然也。腎乃肺金之子。今腎水衰少。隨火上炎。腎水既衰。則骨髓衰竭。由使內太過所致。直斷曰。痿病無寒。故痿之作也。五六月。皆其時也。故病痿之人。其脈浮軟。今之行藥者。凡見腳膝痿弱。難於行步。或一足不伸。便作寒濕腳氣治之。驟用烏附乳沒威靈仙之類。燂鍼艾火。湯蒸袋蒸。痿弱轉加。如此而死。豈非天乎。夫治痿與治痺頗異。風寒濕痺。猶可蒸湯炙燂。時或一效。惟痿用之。轉甚者。何也。蓋痿以肺熱葉焦而成。以此傳於五藏。豈有寒者歟。若痿作寒治。是殺之也。夫痿病不死。死者皆藥之誤也。

石頑曰。痿證藏府病同。雖曰不一。大都起於陽明濕熱。內蘊不清。則肺受熱乘。而日槁。脾受濕淫。而日溢。遂成上枯下濕之候。舉世靡不以腎虛爲事。陽明濕熱。從無齒及之者。或云。痿病既屬濕熱。何古方多用附子。辛熱而愈者。殊不知濕熱沉滯既久。非借辛熱之力。不能開通經隧。原非爲腎藏虛寒而設。若真陽未衰。槩行溫補。而不知清熱滲濕。寧無反助濕熱之患耶。

凡人自覺兩足熱如火炙。自足踝下上衝膝腿。且痿弱軟痛。能行而不能久立。脈濡而數。乃陰虛而挾濕熱也。虎潛丸不應。少加附子。骨痿不能起於牀者。金剛丸。○經言。骨痿者。生於大熱也。有所遠行勞倦。逢大熱而渴。渴則陽氣內伐。內伐則熱舍於腎。腎者水藏也。今水不勝火。則骨枯而水虛。足不任身。發爲骨痿。此濕熱成痿。多發於夏。令人骨乏無力。故治痿獨取陽明。東垣獨得其祕。而用清燥之劑。主以清暑益氣湯。○屬濕痰者。手足軟弱。脈沉滑。兼腰膝麻木。或腫。二陳湯加二朮羌活黃柏竹瀝薑汁。○黑瘦人脈瀦弱。或左脈大而無力。行步艱難。或兼盜汗陰虛等證者。是血虛有火。四物加牛膝肉桂黃柏蒼朮。○陰血衰弱。不能養筋。筋緩不能自收持。故痿弱無力。補血榮筋丸。氣虛痿弱無力。四君子加蒼朮黃柏肉桂黃耆。○肥白人脈沉緩。或滑。惡心胸膈不利。屬氣虛有痰。六君子加蒼朮黃柏竹瀝薑汁。○兼食積。卽氣口弦滑。腹脹惡食。是食積妨礙。脾氣不得運於四肢。導痰湯加查麴木瓜防己。○挾死血者。脈沉瀦或弦。

而按之則孔。爲惡血流於腰膝。或因產後。或跌撲傷損而得者。不可作虛治。

痿厥○足痿弱不收爲痿厥。有二。一屬腎與膀胱。經云。恐懼不解則傷精。精傷則骨痿痿厥。精時自下。是腎傷精脫也。都炁丸。審係陽虛。用八味丸。又云。三陽爲病發寒熱。下爲癰腫。及爲痿厥。腦痛。是膀胱在下發病也。五苓散。一屬脾濕傷腎。經云。凡治痿厥發逆。肥貴人膏粱之疾也。腎著湯加草薢。又云。秋傷於濕。上逆而欬。發爲痿厥。小青龍湯去麻黃加羌活。○腎虛之人。六七月之間。濕令大行。濕熱相合。痿厥之病大作。脈沉濡而數。小水赤澀。或作腫痛。腰以下痿軟不能動。行走不正。兩足欹側。清燥湯。○伸不能屈。屈不能伸。腰膝腿脚腫痛。行步艱難。安腎丸。○目中流火。視物昏花。耳鳴耳聾。困倦乏力。寢汗憎風。行步不正。兩脚欹側。臥而多驚。腰膝無力。腰以下消瘦。加味虎潛丸。凡老人痿厥。累用虎潛丸不愈。卽於本方加附子立愈。蓋附子有反佐之力也。○又有脚膝痿弱。下尻臀皆冷。陰汗臊臭。精滑不固。脈沉數有力。此爲膏粱厚味所致。火鬱於內。逼陽向外。卽陽盛拒陰。滋腎丸苦寒下之。肥盛蒼黑人。足膝痿痹。皆屬濕熱。潛行散。二妙散。誤用溫補必殆。

子和云。風痺痿厥四證。本自不同。而近世不能爲辨。一槩作風冷治之。下虛補之。此所以曠日彌年而不愈者也。夫四末之疾。動而或勁者爲風。不仁或痛者爲痺。弱而不用者爲痿。逆而寒熱者爲厥。其狀未嘗